

絳縣志卷之九

人物下 鄉飲賓附

明

石堅董封里人洪武十七年歲貢初任齊河縣典史擢行人司行人負忠義饒膽畧永樂時高麗不庭堅抗疏請往平之上問計將安出對曰兵難遙度陛下第命臣臣必有以復陛下上奇其論遂命行堅單騎往面高麗主宣布朝廷威德謂若不服吾當勦滅爾國高麗王笑謂子一人至吾國何敢大

絳縣志

卷之九 人物下

一

言堅曰固知若必殺我但興師來勦若輩不爲齏粉乎高麗主拜服卒不煩一兵以片言讐屬國使奉正朔還授按察司副使

王彬陳村里人由永樂丙戌進士任直隸興濟知縣時運河衝決城郭漂搖久難修築彬臨河歎曰天欲溺吾民何如溺我卽投河有門役挽帶隨之越明日漂尸於縣堂冠帶如生濟民感之爲立祠歲時祭禱焉

郭鑑董封里人宣德己酉舉人官廣西道御史出知

兗州府加參政銜致仕歸河津薛文清瑄爲題小像贊以杜詩趙抃比之

張環字瑤夫宋莊里人宏治癸丑進士初令直隸棗強縣有廉名後歷內黃鎮安知縣累官至泰州知州環資性剛方好學不輟門下遊學者甚衆自號曰菜菴子弟連宏治壬子舉人亦任內黃知縣莊簡明決頗著政績後官至甯州知州

張廣習義坊人爲人秉性忠厚砥行端方喜施濟樂聞人善爲鄉里所矜式子讓宏治戊午舉人天資

絳縣志

卷之九 人物下

二

敏捷善古文詞尤篤於友愛與兄分產辭多受寡人咸稱之

張體仁廣元孫由貢生任陝西鄠縣主簿初體仁謁選時嘗夢與程夫子同坐及到任廳事前有古槐土人呼爲程子槐始知明道先生亦曾爲是官遂悟前夢每事宗法程子清介有名

郭懷義習義坊人長於吟咏好學不倦由貢生歷官蒲城教諭永昌教授師範嚴正多士宗之

任維屏通明坊人性穎悟學問淵博由歲貢任河陰

令居官廉正治本經術深得民心歸里後施賑活人無算鄉人皆德之

張夢鯉字子化陳景里人萬歷丁丑進士任山東臨淄令篤志好學積書萬卷居官亦多善政

王修下柏里人以歲貢歷官文水訓導平順教諭制行端莊舉動不苟年九十餘居鄉猶好學不倦後喬也里蓋大卿官保德州學正歸亦年至九十餘儀貌修整字畫端楷人每並稱焉

續統字正傳通明坊人天資敏慧諸子百家過目不

絳縣志

卷之九 人物下

三

忘年十四補博士弟子員事繼母以孝聞由歲貢授河南汝州訓導教士子先德行而後文藝講解不倦汝士咸感其教思後轉周府教授會疾作辭歸卒子唐祚拔貢能文克紹家學

吉大來習義坊人學問淵博長於吟咏嘉靖壬午舉人任藍田知縣歸里後創修邑志惜舊本不傳今僅存其序云

郭永固范璧里人萬歷己酉舉人令渭南有惠政改令甘泉崇禎間流寇充斥永固憑城接戰手刃二

賊賊擁上城遂被殺妻焦氏亦罵賊遇害柩歸至
雒川賊黨仍懷舊恨開棺劈尸肝腦俱盡按臣吳
甯以聞七年賜祭葬十年贈光祿卿廕一子
呂邦甯鄭柴里人性聰敏幼年卽有文名及長學更
博雅由恩貢任河南封邱訓導啟廸後學循循不
厭封邱之士被其教者甚多

譚登仕馮村里人由恩貢任同州訓導轉秦安教諭
擢令雒南服官清慎按使張薦於朝有學先性命
理究天人不受贊儀不通私謁之語性嗜學嘗以

絳縣志

卷之九 人物下

四

大學配河洛圖書文太青稱爲眼空千古歸里後
遇歲大祲上書汪副使力言煮粥不若給米多所
全活平居足不入城市就塾教授從遊者甚衆所
著書藝先有行世者惜今無存無由稽考焉子田
明別有傳

陳讓陳村里人由歲貢任蓋屋訓導遷靜樂教諭大
甯都司教授未至任歸性至孝善事繼母學使傅
舉德行第一靜樂學宮宅舍久頽讓殫力修葺歸
里後值歲祲讓哺餓人瘞齒豁置祭田善舉甚衆

所著書文悉本理學惜未行世卒蓋屋祀名宦邑
祀鄉賢

周九官宋莊里人由貢生任太原縣訓導立身嚴正
不諂事長官邑令與庠士蘇復生等有隙預爲申
文乘夜持詣學廸押九官正色拒之乃止後遷壽
陽教諭時值凶荒餓殍載道九官捐俸以贍貧士
壽陽士人咸感佩之

任維清通明坊人崇禎間以貢授永甯訓導端嚴莊
重時舉忠孝節義事規切諸生流寇至城破維清

絳縣志

卷之九 人物下

五

罵賊不屈因遇害祀永甯名宦後本邑祀鄉賢

撤君賜字賓王史村里人丰姿秀雅爲諸生有聲譽
一時從遊甚衆後由歲貢選荆州府訓導時流寇
充斥其子涕泣勸勿行君賜鞭其手以去既至任
與諸生陳說忠義事亶亶不倦崇禎壬午冬十二
月李自成破荆州監司以下皆遁去君賜獨正衣
冠端坐明倫堂賊至罵不絕口而死

國朝順治間崇祀鄉賢十八年荆郡士人請祀名
宦

劉養德董封里人由例貢任招遠縣主簿招地濱海地多荒蕪養德至任後循行阡陌悉心勸導開墾荒地四十餘頃招撫流離人戶民感其德擢藩府工正在任勤慎遇事匡諫王以劾職忠勤四字賜之以疾致仕歸卒於家

趙養志宋莊里人萬曆間官潮陽知縣時潮邑土寇出沒民甚苦之養志親至賊穴宣示德威賊衆感服境內由是無患弟養民以吏任良鄉縣丞清勤奉職值歲大祲養民規畫賑務甚有條理民賴以絳縣志

卷之九 人物下

六

活者甚衆

康兆民馮村里人天性孝友待異母弟友愛尤篤爲弟子員耿介端凝當世咸服其品時史御史宅中嘗有妖爲患兆民至妖卽不見人皆以爲神異實因其平日爲人方正邪不足以勝之也學使舉德行第一子四維別有傳

康四維兆民子崇禎甲戌武進士任西陽河守備遷山西都司僉書累陞廣西掌印後賊兵抵城下四維奮臂巷戰與其妻子俱殲焉

郭帝都畱孟里人邑廩生讀書明大義平居周急濟困見重鄉黨崇禎末流寇蜂起蹂躪邑境帝都督鄉兵禦賊不克被害

國朝康熙四十八年祀鄉賢時貢生盧繼芳及尊王里人曹浩均以鄉兵討寇死之

范應奎生員幼孤奉母盡孝非禮不爲嘗拾同里人糧銀還之

國朝

郭自修橫水里人性梗直少讀書卽以忠義自負比

絳縣志

卷之九 人物下

七

膺歲薦授安遠知縣束裝偕二僕就道子弟有請行者不許蒞任後理民事不少懈未二年綱舉目張尋以石城失守調石城甫至而山賊張自聖率衆來攻自修督民守禦久之城破賊已入自修猶立城頭指揮旣而左右悉散遂爲賊執自聖誘以好語逼之降自修端坐大罵不少屈自聖怒手刃於城下邑人哀其忠歛而葬焉康熙六十年孫維屏迎櫬歸石城人郊祭者數十里不絕後祀鄉賢陳所優陳村里人由武進士任陝西甯羌衛守備順

治六年姜逆擾平陽南境盤踞絳邑優自甯羗歸
敷陳國威數其罪狀力詬之賊怒遂殺於邑之柳
莊村後祀鄉賢

張養心賀陳里人邑庠生幼孤事母馬氏以孝聞賊
陷堡母被賊害棄於水中時心被執痛母死非其
命號痛不欲生賊念其孝釋之每逢忌辰輒哀號
躑躅若初喪者終其身未嘗有改也

王天扶史村里人性仁厚四歲喪父比長奉母郭氏
至孝母好施扶仰體親志散粟以濟饑民捐貲完

絳縣志

卷之九 人物下

八

人婚葬者尤多子廩監生用亦能承父志族有八
旬老婦失明貧不能自存用時給其衣食嘗行過
汾河遇有漂溺者用出貲命救已無及因買棺殮
之又捐置宗田以贍族人咸稱其有父風焉

孫尚書犯村里人順治六年土賊猖獗縣境母王氏
年逾八旬衰老不能舉動書棄妻子負母避難行
至中途爲賊所執劫其隨從書依戀老母涕泣哀
懇賊欲殺書母以絕其內顧書冒鋒刃護母願以
身代被刃而死賊感其孝因釋其母幼子奇抱屍

而哭三日後面猶如生

馬時泰畱孟里人豪俠好義崇禎末歲大饑時泰出粟以濟窮餓者又捐地置義塚年至七十不忘兄弟食時必集兄弟於一堂率以爲常子機事二親孝與人交必誠信順治六年父時泰被賊虜機號泣追至中途願以身代賊感其孝父子俱釋後賊圍本莊索糧食機與之粟百石圍遂解闔莊俱免後邑令彭敬慕其人賓之鄉飲及卒鄉人俱爲流涕

劉化育永樂里人順治辛丑武進士任湖廣道士汛都司營守備治兵安民恩威兼濟楚人倚爲長城性至孝順治六年羣盜數十標掠村落時化育母病篤不能舉動賊至家人悉奔散化育獨依母傍毫無懼色賊感其孝義嘆服而去

尉懷遠長三里人性至孝父病卧床五年懷遠躬侍湯藥衣不解帶父歿泣血三年未嘗見齒後由武舉任甯波衛守備奉差領運遇寇同事者皆逃避懷遠獨不懼與其長子生員弼王拒敵漕糧得以

無失嗣因追滅海寇糧盡無援被賊困辱不屈而死賊投其屍於河時其子弼王從卽投河抱父屍旋沉旋浮者數四得舟人救乃出旣殮與其弟翼王扶柩歸葬弼王有勇力性至孝痛父死國事悲哀廬墓旋以毀卒翼王亦以孝友稱事寡嫂撫孤姪尤盡其道

原世儒范璧里人望子順治二年拔貢任平海衛經歷時海賊鄭芝龍犯順世儒將之官有尼其行者曰賊勢方熾盍少待以避之世儒曰我職雖微固朝廷命官也豈畏賊乎遂行將至任所遇賊賊逼之投順世儒不屈而死

吉鳴謙字正之習義坊人爲諸生時苦志勵學中順治甲午舉人出宰夏津涖任後勤農桑禁游惰夏津之民翕然化之又創立義學延名師以課士公餘卽與諸生講求文法多所指授一時隣邑之士咸聞風而至康熙甲子科入闈分校悉心披閱得士顏光敏孔興祥等五人皆當世知名士初鳴謙未入闈時嘗夜夢孔子與顏子列坐孔子撫其背

而稱之曰此子真吾徒也如是者三覺而異之及榜發果有二裔羣相傳爲異事後以老乞歸里居力行善事鄉人咸感其德

曹天寵鄒王里人由歲貢任伊陽訓導遷沁州學正日與生徒講學不輟所造之士顯達者多沁州武鄉缺官按使金嘗借才焉所著有書文時藝藏於家時仇張里侯嘉允由貢官五臺訓導亦雅意作人士林咸仰戴之歸里後舉鄉飲正賓

李自美字玉林北柳里人順治戊子副榜任江西瑞絳縣志

州府通判先是瑞屬新昌有僞漢時浮糧十餘萬賠累三百餘年民甚苦之自美至以已職司糧務力請於上官乃得除糧民困以甦及歸襆被而行囊藁蕭然壬申歲邑饑自美鬻地以賑鄉里又捐地爲義塚至今猶有稱道其事者

陳所抱陳村里人讓子順治己亥進士初爲長武令地瘠民貧抱至勸以耕織民漸殷實公餘與諸生講學課文士習文風俱爲改觀俸滿擢淮安同知百姓泣送至百里外及到淮安任釐奸剔弊僚屬

咸敬憚之時淮民有陳汝漢陳汝白以人命被誣繫獄積年所抱力辯其寃得釋以勞疾卒於官後祀鄉賢

常自立鄭柴里人容貌奇偉善飲酒氣槩不凡由歲貢任交城訓導循循善誘多所啟迪一時遊其門者咸得成就教子有義方致仕歸兩舉鄉飲正賓季子伸善古文康熙庚午舉人任沙河知縣甫到任值大兵過境伸先請大營得令箭節制以布作馬槽五百其制簡而有法軍民利之以勞卒官

絳縣志

卷之九

人物下

十三

張礪字介石號中峰宋莊里人順治庚子舉人任蘭谿令性仁慈多惠政兩次分校得士十八人皆淝水名宿後將行取礪知止足以疾辭歸士民攀留不得咸作詩歌以紀德政

王積業通明坊人爲人豪俠好義嘗拾途中遺金訪還本主里中稱之時三閭里人郭恩賜亦拾銀五十餘金還人邑令吳俱給匾旌之同時王淵祁國英亦以還金稱義

李穎達睢村人少穎悟讀書能數行下恪遵父教舉

動不苟比長益力學有文名中康熙己酉舉人任
鎮原令鎮原地處邊郡俗悍民刁命盜案極多穎
達多方整頓案牘漸少又爲之編里甲平徭役鎮
原人感之爲建坊立碑以誌其德穎達長於文鄉
墨爲海內傳誦所著文稿頗有行世時其族李瑄
篤學勵行由丁卯舉人官應州學正亦摻尙廉介
勤於造士云

楊呈芳庠生性孝友立品端方尤好施與歲饑煮粥
以贍窮餓又設義館令貧乏之子就讀其中多所

絳縣志

卷之九 人物下

十三

成就

譚田明字見甫登仕子年十二卽爲諸生有名於時
讀書能會其要學富才贍詩古文詞無不擅長舊
志纂修多田明手筆性耿介不樂仕進邑令楊敬
其爲人敦請再四不至後以貢生終所著書文時
藝頗多行世迄今缺畧不存後人無所採擇子璿
衡庠生亦能文爲人謹愿嘗於永樂村南卜葬其
親鄉人以有礙風水告璿衡卽移葬於村西之祖
塋人咸服其長厚

柴之棕北續里人爲邑諸生性仁厚樂施濟歲有荒歉則出貲粟以賑貧乏會不少吝莊有高復台者少孤有志向學之棕助之資令讀書得成名後復台早夭存問其子嘗於荒年過洛下見有鬻妻者之棕出金完其夫婦生平好義行善大率類是子帝蔭職監生克繼父志賑荒貸乏施德於鄉捐金開絳翼接壤山路以便車行建續魯峪橋四十餘處夏拆冬修歲以爲常行旅賴之又修曲沃交裏橋一時名公當事咸有題贈里人感其父子爲立

絳縣志

卷之九 人物下

十四

碑記事詳通志時又有馮范里人高鸞亦好義疎財創建續魯石橋捐田爲義塚又出粟百石以賑荒邑令陳旌其門曰倡義善士任珩字指九通明坊人由庠生入監授州同職事繼母以孝聞康熙三十一年歲大饑珩出粟煮粥全活無算平居周急濟困著有義聲

范繼純事繼母孝父母歿廬墓三年子章亦至孝母病革水漿不入口哀毀以卒與母同葬

陳禔媯陳村里廩生事母孝平日急公好義順治初

寇盜未靖爲鄉人患禔媽調練鄉兵以備不虞盜
悉遁去同莊子弟有游惰者必教責之又勸止村
中演劇以省靡費歲饑煮粥施米以賑貧乏睦嫻
任郵善舉爲多子生員雷交出爲弟後亦好施不
吝教其二子力行善事

白玉梁畱孟里人家貧力田以供甘旨兄玉璽出外
營生久不歸母病命之尋兄玉梁至南陽與其兄
歸早間山行遇盜玉梁素有膂力欲與鬪恐傷兄
乃被劫行李而去行半里雷電交作電光中忽見

一虎兄弟共相祝曰甯噬我玉梁以身庇兄少頃
有執鞭者成羣而來虎卽去得以無害歸至家母
病危篤醫藥罔效玉梁割股以進病遂愈玉梁未
嘗學問孝友之行本於性生嘗購

上諭十六條註釋見其易曉每向閭巷中言之將
卒前一日預知如期果驗後史村里人王自忻亦
以割股聞

王大任東廂坊人儀表魁偉勵志好學緣屢躋文場
改習騎射康熙丙午鄉試中武舉以親老不求仕

進親歿哀毀骨立撫五歲幼弟自髻鬣及成人恩勤備至終身不分爨周急好施荒歲煮粥活人不少吝惜性耿介雖居城市無事不造公門以故當事咸重之年逾八十以壽終

王錫東廂坊人家貧孝友父聘士授沙泉同心二驛驛丞錫徒步從之未半年聘士歿錫典衣裝以殮復號泣歸里盡產以迎襯時迺寒同心守備蕭請俟春且代乞賻卹錫力辭卽日就道晝則繩繫柩躬自挽夜則露宿柩側而號抵家墜指裂頸無復

人形見者胥酸鼻母喬氏卧病一年侍奉尤力比歿耐父墓慟幾絕從弟理臻幼孤不能自活錫字之俾胥有室邑令盧將表之以勵俗因辭雍正八年旌表八忠孝祠仲子體中亦以孝友著

陳佐周陳村里人年十五父所性卒哀毀甚非杖不起所性係選貢五經諸史胥有論著佐周見父手澤輒涕泣不止事母李氏不命之退不敢退母或譴責必跪受湯藥必親嘗嘗徒步百里延醫遇盜將殺之忽虎出叢簿間盜駭遁虎亦逡巡去母歿

寢柩次三年不入室嘗建家廟刻族譜人胥謂克守家學雍正八年旌入忠孝祠

馬化祥字虹字史村里人好善樂施嘗客高平時有爲虎所斃者屍骸暴露母妻無依化祥出金殮葬之且卹其家孫紹融邑廩生性穎悟少卽知名善詩詞工書法惜以天卒從弟宗援太學生亦工書法善篆隸

史宗逸仇張里人以增廣貢爲人慷慨明於大義樂施與康熙辛未年蝗蝻爲害民餓饉宗逸出粟以

絳縣志

卷之九 人物下

十七

濟鄉里計口授食本莊人多所全活並將各村暨垣曲地內租銀概免之處里黨和藹可親遇事必爲之分解以故三十餘年鄉隣未嘗有爭鬪事

曹際烈尊王里監生性友愛撫五歲孤弟成立眠食與共教養備至康熙五十九年歲大荒際烈出糶糧三百餘石以贍鄉里又於倉封寺煮粥賑饑時戚友稱貸八百餘金際烈悉舉券焚之未嘗掛齒頰焉

任儉通明坊人由吏任清河典史操尙廉潔不爲苟

取有善政清河人愛之爲作德政歌再任諸暨亦得民心儉雖由刀筆然性仁厚好行善事置義田建家廟他如資婚助葬義舉不少嘗念城關考試者衆其中貧富不一因捐置資本令官舖交代凡城關人試卷槩不給價勒碑以垂永遠至今猶被其利云

賈師聖字仰止史村里人武生家素封樂於施濟有公事必勇往無少推諉康熙辛丑壬寅間連遭大荒民不聊生師聖出粟煮粥以救窮餓又嘗於南

陽捐地一頃爲會館公費鄉人感之爲立碑記後以子凝吉官贈中憲大夫

賈由聖史村里人由監生授州同職事繼母孝待幼弟克敦友愛善治生以勤儉起家然能好禮鄉里有急難必爲周助無少吝康熙辛丑壬寅歲大荒由聖出粟煮粥嘗捐義倉穀二百石邑令詳請題叙生平善事如建義學施藥餌等事尤著後舉鄉飲疊膺

綸誥族入庠生永揚亦出粟賑荒爲善於鄉里人

皆稱之

范加玉晉南里人居家孝友好行善事有隣人張耀久出不歸其母與弟欲嫁其妻其妻泣將自盡加玉聞之卽以己衣質銀假作耀書送至其家云耀在某處後年餘耀果歸夫婦由是完聚弟加榮辛苦力作撫其姪讀書成名恩義兼至

郭百仞字鳳崗紫家里人恩貢生事父母以孝聞父病黃疸醫家謂宜忌鹽百仞不忍獨令父淡食己亦不食鹽一年母患瘡百仞以口吮其濃血遂得

絳縣志

卷之九 人物下

九

愈生平好學不倦讀書必求其要旨尤喜引掖後進家雖貧然樂施予稷人張堯母子客死其莊百仞嘗殯葬之

賈從聖史村里人性好義勇於爲善康熙六十年歲大祲煮粥賑饑兼給粟銀又嘗焚券人咸感之子凝禔貢生精岐黃術尤喜利濟凡就醫者旣不索謝復予以藥嘗慨然曰人不爲良相當爲良醫其自負如此己卯歲大饑絳尤甚凝禔於族里之貧者按口給銀所費不下數百金河東觀察以睦嫻

任卹旌其門

賈連葉史村里人自少苦志讀書爲諸生有名屢蹟
塲屋乃援例入貢授州司馬職嗣母王矢志守節
連葉侍養能得其歡爲請旌建坊以遂顯揚之志
居家敦雍睦撫孤姪教養備至慷慨好施出粟散
金澤及隣里嘗捐義倉穀五百餘石以備荒歉邑
令舒褒之事載碑記

靳至人永梅里附貢讀書能得大旨砥行立名勇於
爲義鄉黨中有事必爲之分釋施金疏渠爲闔村

絳縣志

卷之九 人物下

三

利捐義穀賑饑民所費粟以百計絕無所靳河東
道嘗給匾以旌其行

曹鶴徵遇異人授鍼法沉痾宿疾應鍼而起四方至
者戶外屢常滿年九十有八歲精神彌旺

通志載
藝術門

白雲字從龍留孟里人乾隆癸未歲貢植品端方積
學淵博好大小歐陽體遂爲名筆邑令王欽其品
學延至文昌宮設教從遊者多所裁成年八十餘
猶孜孜不倦舊志多雲手筆所著詩古文詞至今
仰爲山斗

陳夢說初名夢月字象臣號曉巖陳村里人生於垣
曲劉張村十歲隨父返故里讀書能知大義愛史
古文詩鄉先輩咸許爲大器二十二歲入邑庠次
年乾隆丙辰 恩科登賢書三十五歲戊辰科成
進士觀政刑部補主事陞員外郎郎中兼辦河南
安徽司並提牢廳事勤慎明允同部折獄咸賴之
王大臣稱爲賢員後轉禮部郎中暹羅入貢奉
旨伴送貢使入粵海六閱月而覆 命著入粵紀

事一書四十八歲保舉繁缺道府 記名次年補

絳縣志

卷之九 人物下

三

浙江甯紹台道得同鄉官欽助而後到任其爲京
官之廉可知矣在道任革陋規察奸吏惠黎民凡
有修塘修城修船大工役大疑獄上憲皆委辦決
之而法外施仁如梅監生毆官一案開脫其少子
台人德之演劇爲存孤院本

高廟南巡

召見西湖

行宮

天語褒獎賜

帛貂鼠荷包等物後轉爲糧儲道簞簞清飭而漕
運無虧五十六歲以前會審呈誤降一級調用督
撫奏留辦理城工一年後歷署府篆遵 例捐復

原官實藉以回鄉矣自十四年離鄉至此二十六
年而歸宦囊所餘買田三百餘畝課子孫耕讀居
家十年七十一歲卒其所著書爲榮錫堂稿鐫版
存其家

譚守業柏封里人由吏員任陝西關中州吏目在任
之日儉約自奉妻親炊爨以廉潔稱

郭匡字步衡冷口里人乾隆己未進士任福建沙縣
令聽斷明允以清廉著名

譚彝柏封里人幼聰慧工書法讀書以理學爲先授
提督軍門正黃旗教習所著有河洛發揮圖

郭銘字彝鼎橫水里人康熙庚子舉人任湖南平津
縣令甫下車捐俸救災邑人感惠後改授襄陵教
諭一以作人爲己任登第者累科不絕

撤夢元字春堂喬野里舉人任餘干知縣賦性廉毅
好讀書不樂仕宦解組後設教梓里英俊多出其
門家稍儲糧喜施濟其童年塾師王志鉅故爲師
母歲供貲粟以終老凡里人多受顧恤所著有訓
蒙四十藝改政十藝聲調譜行世

張維揚字宣武習義坊人歲貢教生徒勛以實行好
大家古文詩辭舊志多其手訂乾隆三十四年督
理城垣指畫工程會計明確工竣有餘金散還各
鄉邑人感之

陳崙觀陳村里人州同職性至孝好施濟事繼母徐
恪奉子職母病親侍湯藥衣不解帶者數月嘉慶
九年頻饑米貴如珠捐米數百石全活甚眾篤友
于之誼嚴義方之訓後弟對觀舉孝廉子愈耀選
優貢

絳縣志

卷之九 人物下

三

張展翎字雲翼宋莊里人增生重真品崇實學無事
不出家塾凡脩金貧富概不全收計足日用之費
而已有附文於諸生課藝後者一例批閱不問爲
誰受業至三百餘人而英雋得名者過半著有四
書講章以俗語道文言理解最晰子而敬而義孫
瑞達累葉書香

郭其炳字虎文橫水里人附貢生性孝友事孀母飲
食供奉必躬與親一飯不及則憂形於色與弟從
九其忻同居終身怡愉相對數十年如一日且寡

言笑不濫與人交里有遊蕩者見炳輒爲斂迹遇
疑難事炳至一言立決鄉黨咸重其人

賈宗洛字文川史村里人任山東鹽運濱樂分司運
同洛祖凝端由庠生候選詹事府主簿仗義好施
邑令李創建華靈書院費三千金端獨任之邑人
感德與李令並祀生祠洛父鍾琳任湖北荊州知
州署安陸府知府洛不逮事父母祖母李守節撫
孫至於成立性至孝人以晉李密擬之致仕歸凡
邑有裨民社事無不踴躍赴功時重建考院修葺

絳縣志

卷之九

人物下

二十六

聖廟姜嫄祠華靈書院北義溝橋並創建荆姚鎮
玉皇閣山水橋皆洛捐資督理居東省尤多創立
後以軍功加知府銜生男六長驥次駟咸豐壬子
聯登鄉榜

王廷幹通明坊人乾隆乙卯舉人由介休教諭推陞
大同教授性周摯善作人經其訓誨者多獲大成
馬麟鳳字海洲史村里人歲貢性質純篤髫年卽好
讀書事父母曲意承志以孝著名居鄉儀表端肅
邪行者多畏避之處家塾三十餘年雖祁寒盛暑

不問課程工書法授徒不專尚文藝以修行勵品
爲先好施濟親族有急不以貧辭著有先儒祀典
起講詳解弟子規行世

陳廷璋字潤圃更名里廩貢生軍功議敘修職郎善
事父母克篤宗支尤勤於學母病必親侍湯藥晝
夜不眠嘗爲從堂兄償逋負二百餘金族叔有貧
而無子者給地二十餘畝以爲養設教鄉塾不受
脩金年逾六旬猶孜孜不倦云

張星煥更名里人由附貢捐訓導職翰林院星燦弟

絳縣志

卷之九 人物下

三五

賦性慷慨居東省甚久咸豐年間賊匪東擾充紳
舉團弁捐多金蒙獎武功將軍銜兼旌子百戶職
後旋里傳其居東時所鑄書籍甚夥又弟星煒在
家刊散善本萬篇周急濟貧類多德行

周世禮字敬侯宋莊里人由附貢捐布政司經歷家
僅中資渾厚好施咸豐六年饑出粟賑鄰里不足
糴市以繼之後逢歲歉遂爲常每歲暮身帶粟票
銀票以給窮乏凡親友婚葬無力者必以貲助至
登門告艱尤厚貺之人稱爲周善人

任思鈞通明坊人由本縣城守司陞交城把總秉性忠貞嘗自負曰大丈夫戎馬疆場雖馬革裹尸亦其分耳適山東賊匪作亂奉檄從軍奮不顧身屢立奇績後因寡不敵衆爲賊所傷奏

聞祀本州昭忠祠

鄭之鉅字汝霖尊王里人從九品銜嘉慶九年爲合族出銀貳百兩置義田令族衆經理營積益田畝以爲族人婚葬無力者助後有餘金創立義學不足仍出資補之歿後族衆豎碑以紀其義

絳縣志

卷之九

人物下

三

周守身字體全宋莊里人性聰悟年十三母遭癱疾身進膳烹藥七年無倦色母卒哀葬盡禮夙以待疾廢學心常病之殯後執書問字遂精星命之學尤善風鑑請相地者輒驗年七十二自推流年歎曰今夏其終乎子商於外呼之歸出一卷授之乃自擇葬日也寢疾四日而歿

郭舒紫家里人乾隆歲貢有孝行當父病解館歸侍湯藥必親嘗之衣不解帶者數月比父故哀毀盡禮半月間鬚髮半白不入私室者三年事繼母迎

意旨承色笑曲盡子職又仇張里武生董大用李
燦春青凌里王清源永梅里陳祥雲賀大里張治
禮范璧里增貢柴庚辛永梅里貢生李應時人咸
以孝稱之

席滿澤青凌里人入品義官職孝弟繼世寬忍傳家
子孫累葉能奉祖訓自明嘉靖至 國朝道光年
間十世同居家屬至五十餘口鄉里稱善

李燦任村里人居澗東乾隆乙卯山梁圯燦慨出囊
金補葺之乙巳督建佛殿施車道於莊西以通行

絳縣志

卷之九

人物下

三

人嘉慶戊午歲饑出粟濟貧惠及鄰莊時有官莊
村請旌於縣邑令蘇以德洽里黨褒之燦孫峩觀
字我山性嗜學入庠出貢頻叨鄉薦設義學於華
岩洞四方從遊甚眾由是澗東遂以我山馳名
王元魁字殿一范璧里人增貢生居心公正賦性溫
和每爲人排解咸佩服悅從嘗慨施水地六畝永
爲村人守門之資

常天賜鄭柴里人弱冠事母以孝聞母嘗病欲食肉
時賜無錢割股以奉聞於邑令給純孝性生匾以

旌之

楊次中字執甫賀大里人增貢生賦性鯁直不畏強暴大交地連三界前多豪棍小經紀人往往受其把握次中嚴行彈禁強豪斂跡至今鎮人賴焉

撤曜喬野里人歲貢生性嗜學工文藝尤善書法所著有敬修文行世

郭定域紫家里人歲貢生幼聰慧髦尤好學賀學政甄拔十英名列第四

樊森然字絳山尊王里人歲貢生選忻州訓導著有

絳縣志

卷之九 人物下

三

樸園遺稿

王維城通明坊人生平豪俠好義饒有膽略咸豐三年粵匪到村搶掠城與同里王三錫操兵力拒膊背受傷奮勇不怯

元

補遺

張仲儀爲杭州路總管府判官稱能吏轉江西行省都使歲饑民將爲變儀單騎出撫復請於省臣發粟賑濟民遂大定擢撫州路總管告歸見通志

任恤

任爲舟通明坊人居心忠厚鄉里有急每慷慨以濟之嘉慶年間薦饑人多餓斃舟出粟賙之鄉里多所全活被其惠者爲豎麥舟遺風碑

王步雲字從龍青凌里人嘉慶十年歲饑舉村請貸約年豐歸還慨如衆請後乃邀衆謂曰諸君所借豈望還哉舉所記簿焚之

趙爾熾永梅里人監生嘉慶間歲饑賑村衆糧百餘石後亦舉單焚之

絳縣志

卷之九

人物下

三

亢吉祥字恒瑞尊王里人乾隆年間歲饑出粟百餘石賑濟隣族其同里耆賓曹德遠亦於乾隆年間出粟賑饑

柴思誠字純如范壁里人軍功議敘州判加州同職性篤厚勇於行義濟困扶危絕無吝惜嘉慶間川楚軍興慨然曰我輩百有餘年得以安居樂業者皆國恩也遂輸餉三千金繼連遭荒旱傾囊糴粟計口授食事竣焚其券邑宰鄭題心存任恤匾獎之

靳碩德字藝林青凌里人由國子監典籍議敘布政司經歷道光二十六年歲饑散粟賑濟同治六年捻匪擾境被害者向德求助無吝意精岐黃術凡求醫者輒予以善藥概不受謝

王鑑字寶三青凌里人議敘鹽課司提舉以子家賓晉贈通奉大夫幼失怙道光丙午歲饑鑑方弱齡慨出多穀賑濟村人咸豐三年粵匪犯境鑑募丁壯數十夫巡護村莊賴以安堵

王象賢通明坊人州判職嘉慶甲子歲饑出粟賑濟姪瑞年庠生捐金置田設義學亦歲荒濟貧乏人咸稱之

殉義

郭金鐸冷口里人同治六年捻匪擾境鐸隘路遇賊
執農器憤與敵賊恚立時斃之又同里郭懋學亦
晉賊同時遇害

絳縣志

卷之九 人物下

三

鄉飲賓附

正賓

吉鳴謙

習義坊人夏津縣知縣

陳馨嫻

陳村里人州同職

任仲只

通明坊人恩貢生

侯嘉允

仇張里人五台縣訓導

尉登陞

長千里人壽楊縣訓導

郝模

任村里人州同職

賈永待

史村里人州同職

王淑身

東廂坊人歲貢生

侯德彰

仇張里人懷仁縣訓導

王闢疆

東廂坊人例貢

任九冲

通明坊人州同職

王禮

通明坊人歲貢生

張文煒

仇張里人例貢生

賈從聖

史村里人州同職

絳縣志

卷之九

人物下

三

賈化聖

史村里人興縣教諭

王暢

留孟里人猗氏縣訓導

張文炳

更名二戶人天鎮縣訓導

賈由聖

史村里人州同職

李世香

王賜煦

介賓

柴毓靈

陳村里人

尉正華

長千里人

陳璧經

北柳里人

任光宿

通明坊人

王贊

東廂坊人

盧奎觀

長三里人

任燧

通明坊人

王靈

東廂坊人

賈承聖

史村里人

范錦

史村里人

賈景聖 史村里人

柴本達 范璧里人

撤大用 喬野里人

陳端倫 陳村里人

馬司教 留孟里人

李孔武 北柳里人

譚璿衡 馮范里人

靳衷實 青澗里人

原丕揚 范璧里人

陳雷輔 陳村里人

馬伯寵 留孟里人

范瑾 史村里人

郭寓林 留孟里人

賈惟幹 史村里人

續帝治 留孟里人

徐自超 陳村里人

陳秉公 陳村里人

劉名世 柏封里人

李折桂 北柳里人

范爾琮 史村里人

王台衡 東廂坊人

陳秉鑑 陳村里人

翟璩 任村里人

胡莊 習義坊人

劉澤永 柏封里人

柴本實 范璧里人

徐朝宗 陳村里人

董大年 仇張里人

陳華封 陳村里人

王秉英 柏封里人

王乾曾 習義里人

張貴觀 習義坊人

董金飴 仇張里人

劉德仁 柏封里人

范丹桂 北續里人

李養義 北續里人

絳縣志

卷之九

人物下

張文廣

翟性聰

尊王里人監生

范士聰

晉南里人生員

王鍾華

青凌里人生員

張士傑

鄭柴里人

賈聚興

史村里人監生

王觀成

劉思誠

長三里人監生

王登鼇

東廂坊人監生

朱陳姻

習義里人監生

王六鼇

東廂坊人

張四維

賀大里人監生

荆華平

宋莊里人

郭鳴玉

紫家里

李大經

北柳里人供事生

郭鳳桐

仇張里人

王秉璋

柏封里人

李如松

喬野里人

絳縣志

卷之九

人物下

耆賓

續進忠

通明坊人

朱佩

習義坊人

喬汝棟

習義坊人

續繹

通明坊人進忠子

任大和

通明坊人

張守庫

習義坊人

任維宸

通明坊人

任維巖

通明坊人

喬益

陳村里人

續元化

通明坊人唐祚子

喬國器

習義坊人

喬廷樞

習義坊人

曹鶴徵

尊王里人

高如海

永枚里人

馬機

留孟里人

王正華

青凌里人

靳 已 里永枚人

李 敏 里犯村人

賈集鳳 里史村人

胡希敬 里陳村人

王承業 坊東廂人

王宗士 坊東廂人

喬 嶽 坊習義人

翟洪福 里任村人

王式中 坊東廂人

史嘉芳 里仇張人

喬鳳樓 坊習義人

撒士龍 里史村人

喬 皓 坊習義人

王 鎔 里永枚人

張國明 里永枚人

賈 玠 里柏封人

賈 瑋 里史村人

王纘周 坊東廂人

李 效 里犯村人

尉登壇 里長三人

撒世隆 里史村人

白受贈 里雷孟人

徐宏謨 里陳村人

王律時 坊東廂人

郝林秀 里任村人

王 珩 坊東廂人

樊 歲 里尊王人

尉安華 里長三人

柴 楷 里范璧人

柴含珠 里范璧人

張宏化 里永枚人

沈廷梅 坊通明人

王則湯 里青凌人

賈 瑞 里史村人

撒 矩 里喬也人

張 煜 坊習義人

絳縣志

卷之九

人物下

柴昌祚 范璧里人

柴盤祚 范璧里人

郭天奇 冷口里人

樊偉文 宋莊里人

王毓昌 習義里人

撒承湯 喬也里人

姚紹頊

賈連環 史村里人

賈瑜 史村里人

史永甯 賀大里人

賈馨芳

王枚

董帝修

譚繪

賈琮

賈炳

徐士哲 陳村里人

康命 馮范里人

絳縣志

卷之九 人物下

姚之瑾 晉南里人

康莊 馮范里人

柴通霄 范璧里人

吉大來 青凌里人

翟洪發 任村里人

郭雄發 青凌里人

喬杠成 任村里人

王睢變 東廂坊人

李岱 喬也里人

李忍 喬也里人

李位閣 宋莊里人

王欽伊 晉南里人

撒大體 喬也里人

王立統 北續里人

喬天成 任村里人

續贊猷 馮范里人

撒大威 喬也里人

李清凡 北柳里人

王錫極 東廂坊人

喬從訓 習義坊人

喬從教 習義坊人

王起鼎 青凌里人

劉世爵 柏封里人

宋桐 長三里人

劉依中 柏封里人

徐宏起 陳村里人

王德隆 史村里人

楊楚周 任村里人

馬再融 史村里人

樊世積 宋莊里人

楊芳梅 賀大里人

李五行 北柳里人

王聚民 范璧里人

張燦 習義坊人

白永元 宋莊里人

馬錫庶 史村里人

絳縣志

卷之九

人物下

三七

李自挺 長三里人

楊濂 晉南里人

董守正

李仰聖 尊王里人

王希由 范村里人

李企聖 尊王里人

史攸甯 賀大里人

姚強

苗惠寬

石証

鄧維屏 仇張里人

王魯直 仇張里人

馬威 留孟里人

蓋迪道 喬野里人

陳銓 北柳里人

李仰莪 宋莊里人

梁慧臣 橫水里人

賈瑤

陳鼎觀 陳村里人

許有為 仇張里人

董國楹 仇張里人

史譜 仇張里人

張九源

王三綱

盧萬靈 陳村里人

焦鶯飛 谷口里人

任道傳 紫家里人

喬特生 習義坊人

賈景璜 習義坊人

翟應考 尊王里人

王之賓

李瑞 尊王里人

趙志清

王炳照 北續里人

馬步雲

吉嘉楨

絳縣志

卷之九 人物下

王凝秀

梁爾太 仇張里人

靳順天 青凌里人

荆友富 宋莊里人

王清標 范村里人

郭本鎬 紫家里人

郭民善 紫家里人

蓋上林 喬野里人

王務勤 東廂坊人

王萬祥 通明坊人

丁立強 長三里人

王化洪